

O BGN de Gondomar pedirá novamente a paralización do PXOM

Escrito por

Xoves, 15 Marzo 2007 21:31

A partires do día 16 de marzo abrese o período de alegacións ao Plan Xeral de Ordenación Municipal que durará 45 días.

O actual goberno de Gondomar pensa seguir adiante cun plan xeral baixo sospeita despois das detencións por cobro ilegal de comisións por parte de 2 cocellais do goberno popular.

No último pleno ordinario a oposición pediu en firme a retirada do plan xeral e instou a Xunta de Galicia a súa paralización amparados nas sospeitas de corrupción co gallo das detencións e o descubrimento da trama de comisións.

O concello de Gondomar convoca para o próximo luns 19 de marzo, un pleno extraordinario ás 13:00 horas na Casa da Cultura de Gondomar no cal o BNG pedirá novamente a paralización do plan xeral. Os nacionalistas fan un chamamento aos veciños e veciñas de Gondomar para que acudan ao pleno e non permitan a continuidade dun plan baixo sospeita.